



ZLATKO MILETIĆ

Dom naroda Parlamentarne skupštine BiH  
Klub izaslanika hrvatskog naroda

Sarajevo, 11.11.2024. godine

**PARLAMENTARNA SKUPŠTINA BiH**  
**DOM NARODA**  
n/r: g. Dragan Čović, predsjedatelj

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 11-11-2024			
Organizaciona jedinica	Klasifikaciona oznaka	Redni broj	Broj priloga
02	50-6	16-15	24

08-25

Na osnovu člana/članka 154. i 155. Poslovnika o radu Doma naroda Parlamentarne skupštine Bosne i Hercegovine („Službeni glasnik BiH“, br.58/14, 88/15 i 96/15) postavljam slijedeće

**IZASLANIČKO PITANJE**  
(aktuelno stanje u GP BiH)

Imajući u vidu da sam u nekoliko zadnjih mjeseci primio nekoliko dopisa i informacija policijskih službenika Granične policije BiH, koji se odnose na zabrinjavajuće stanje u GP BiH, interesira me, da mi nadležni rukovoditelj odgovori preko nadležnog ministra Ministarstva sigurnosti BiH ;

- Da li trenutno nedostaje više od 700 policijskih službenika u GP BiH i da li je tačna informacija, da u jednoj smjeni „zelenu granicu“ BiH pokriva svega 200 policajaca, koje su mjere poduzete da se rješi problem popune,
- Da li su poduzete mjere za zaprečavanje mjesta za ilegalni prelazak (preko 240) granice BiH i koje,
- Da li je tačna informacija da se već nekoliko godina ne primjenjuje član 44. Zakona o policijskim službenicima i da se ne unaprijeđuju policajci koji su u radnom odnosu u više činove, posebno sa SSS (po zakonu 2/3), već se u čin mlađeg inspektora primaju policijski službenici samo, eksterno,
- Da li je tačno da policijski službenici koji su presuđeni od strane Suda BiH za uzimanje novca za zapošljavanje i unapređenje, slučaj „Raković, Sabljo i dr.“i dalje rade i kako je moguće da nisu disciplinski kažnjeni i zašto, te da li je nastavljeno sa tom praksom samo od strane drugih pol.službenika,
- Da li je tačna informacija da su 3 službenice/ka koji su raspakovali prvu aplikaciju SKAY 2019 g. koja se odnosila na kriminal u GP, mobingovane od

strane bivšeg rukovodstva punih 5 godina, da su teško oboljele i zašto im nitko nije pružio pravnu i zdravstvenu zaštitu,

- Da li je tačna informacija da su aktivnosti Centralnog istražnog ureda vrlo skromne i da su manje u 2023.g. za evidentirana KD 38 %, a za podnesene izvještaje za 53 % u odnosu za predhodni period, zašto je to tako i zašto duže vrijeme nema rukovoditelja odsjeka za istrage,
- Da li je tačno da policajci GP BiH na pojedinim prelazima rade u potpuno nehumanim uvjetima kao npr. Šćepan Polje, kad će nadležne službe poduzeti mjere da se konačno riješe ova pitanja,
- Da li će i kad rukovodstvo GP BiH potpisati Kolektivni ugovor sa Sindikatom GP s obzirom da se istim rješavaju i druga egzistencijalna pitanja koja se odnose na unapređenje statusa službenika GP BiH ?

Pitanje u skladu sa nadležnošću postavljam ministru Ministarstva sigurnosti BiH odnosno direktoru/ravnatelju GP BiH. Odgovore tražim i u pismenoj formi.

S poštovanjem,



ZLATKO MILETIĆ